



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Gregorius Magn: 12. Martii.

[urn:nbn:de:hbz:466:1-62968](#)

Sic alteram alapam , & martyrium ipsum hi sancti Martyres , sic tolerantiam tot pœnitentes expetiverunt. Num verum est , hoc unum te laborare , ut nihil labores ? Cælum tamen cogitas : cave , tibi ipsi blandiris. Viâ duxtaxat S. Crucis itur ad patriam ; si enim alia fuisse brevior , ac mitior , eam utique docuisset Christus .

3. Tertium deniq; attigit patientiæ gradum , qui latus & alacer labores patitur. In afflictionibus , ac persecutionibus lætabantur Apostoli , & ibant gaudentes , cum digni habiti fuerant pro Christo aliquam contumeliam pati. Gaudete (inquit ipse Christus) si vos oderit mundus , quia me prius odio habuit. Acceptius & gratius Deo nihil est hilari Christianorum patientiâ. Pulchrum spectaculum Deo , cum Christianus cum dolore congreditur. Minut.

S. GREGORIUS MAGN:

12. Martii.

Qui autem fecerit, & docuerit, hic magnus vocabitur in Regno cælorū.

Christus. Matth. cap. 5.

Ultrò mendicabulis jacuæ paterent , si latitantem in iis CHRISTVM vel Angelum cerneremus , Tales hospites GREGORIUS habuit , & ob eam pietatem summum Pontificatum tulit. Ad hunc electus inter

M

primas

ptimas curas habuit medicinam gregi suo
quærere, quem pestilentia totâ passim Italiâ,
sed Romæ potissimum lacerabat. Placuit,
morte tam atrociter grassante, ad MATERM
VIVENTIUM confugere. Hujus proinde effi-
giem cùm tota urbe supplicabundus circu-
tulisset, Angelum vidit, qui iratum jam diu
capitibus ensem vaginæ redderet; & aërem
noxium purgari vel inde animadvertisit,
quòd in eo cælestes voces gratantes CÆLI
REGINÆ de morte victoriam audiit. Ita
servatis domi civibus, foris etiam Christia-
num Imperium amplificavit, adjecto An-
glorum Regno. Libros deinde lucubrare est
aggressus, qui etiam hodie Doctorem suum
Spiritum S. probant, quem quidem specie
columbæ obvolitantē capiti ejus non unus
vidit. Sed & ad preces illius Angelorum pa-
nis in carnem abiit, & hæsitanti fæminæ fi-
dem mysteriorum fecit. Tale columen Chri-
stiani orbis subruere tamen Mauritius Imp.
cogitavit. Sed mox impiæ mortis consilium
morte ipse non unā luit, toties mortuus pri-
usquam moreretur, quot sub securi filios vidi-
mori. Ipse idem fatum cum conjugé con-
tra omnium parentum vota ultimus subiit.
GREGORIUM verò mortuum ferunt Anno
DC.

[850] 191. [851]

DC. IV. sed rectius vivere illum etiamnum,
& immortalem vivere in suis libris dicemus.

Ex Surio

M E D I T A T I O

In vitam S. Gregorii Magni.

1. **M**agna fecit Gregorius: abdicatis terræ bonis, Religiosum ordinem ingressus est; Romæ servientem pestem precibus suis cohibuit; misit in Angliam præcones Evangelii. Multa præscripsit ad commune bonum Ecclesiæ. Tu abstinuisti aliquâ voluptate? An peccatorum quempiam ad meliorem vitam revocâsti? Utinam tu ipse ad frugem rediisses; inde tamen auspicari necesse est.

2. Magnus fuit scientiâ, ut patet ex ejus lucubrationibus, quæ redundant doctrinâ planè cælesti; nec mirum, siquidem sæpè columba specie visus est Spiritus sanctus ejus auribus insuffranc, quæ scribere debebat. Si minus libros possis eomponere, ut S. Gregorius, potes eos legere, & ex iis haurire scientiam salutis; potes tuos docere fidei mysteria, ægris adesse, afflictos solati: idne præstas?

3. Summus ille Pontifex nusquam major visus est, quam in doloribus & humilationibus. Cum admirabili patientiâ acriorem articulorum morbum passus est, laudari solebat, servus servorum Dei voluit appellari, pascebat pauperes. Pontificiam dignitatem diu reeusavit. Num sic magnis, qui mundi sublimiora nihil facit? memineris, veram

M 2

Christia

Christiani magnitudinem esse , magna facere , & parvum se reputare. Magna & rara virtus est, ut magna licet operantem, magnum te nescias. Bernard.

S. EUPHRASIA.

13. Martii.

Cum autem jejunatis , nolite fieri sicut hypocrita tristes , exterminant enim facies suas , ut appareant hominibus jejunantes. Amen dico vobis , quia receperunt mercedem suam. Christus. Matth. 6.

Non facilè ulla alia Virgo splendorem generis sui , ut EVPHRASIA, novit estimare ; quippe quæ alios , quantumvis nobiles thoros alto animo despexit omnes , unum CHRISTI ambitiosa expetiit. Fortè in hunc fixum cruci oculos defixerat ; cùm ut amor facilè omnia sibi fängit , quæ arrident , passis brachiis amplexum offerri sibi interpretata , illicò in crucem involavit , & Amatum complexa etiam ipsa , æternum illi suos amores devovit ; quin mox futurarum nuptiarum flammcum inter sacras Virgines accep-